

# Asnaf bersyukur terima bantuan peralatan, modal niaga

UTUSAN MALAYSIA 19/10/2023 M/S: 31

**IPOH:** Peniaga ayam geprek yang berhijrah dari Kuala Lumpur ke Perak selepas kejatuhan perniagaannya ketika pandemik Covid-19 bersyukur menerima bantuan peralatan memasak serta modal perniagaan daripada Majlis Agama Islam Negeri Perak (MAIPk).

Zainor Fazrin Zainen, 36, yang tinggal di Taman Mahkota, Kampar berkata, penyerahan peralatan memasak itu sangat membantunya untuk mengembangkan lagi perniagaan.

“Saya berasa gembira dan bersyukur kerana diberi peluang untuk menerima bantuan

ini. Bantuan ini sangat membantu untuk mengembangkan lagi perniagaan saya.

“Dalam program ini, saya dapat modal sebanyak RM3,000 iaitu RM500 setiap bulan dalam tempoh enam bulan,” katanya kepada *Utusan Malaysia* ketika ditemui pada Program Pemerkasaan Ekonomi Asnaf Proper A di sini semalam.

Ketua Pegawai Eksekutif MAIPk, Shahrul Azam Shaari menyerahkan sumbangan peralatan dan modal perniagaan kepada penerima.

Menurutnya, peralatan yang diberi adalah mengikut keperluan

an peniaga dengan peruntukan sebanyak RM5,000.

“Kita boleh pilih peralatan yang kita mahukan mengikut jumlah peruntukan yang diberi.

“Sebagai contoh, selain meniaga ayam geprek, saya juga ada meniaga sambal serta kudapan-kudapan, jadi, saya dapat peralatan berdasarkan keperluan perniagaan saya,” katanya.

Pemilik Lynndarling Licious Delight, Azlinda Mohd Mohtar, 43, berkata, ini merupakan kali pertama dia menyertai program tersebut dan bersyukur dengan bantuan yang diberikan.

**GERAN PERALATAN**

**PROGRAM PEMERKASAAN EKONOMI ASNAF (PROPER A) 2023 KURSUS KULINARI DAN PASTRI**

**NAMA : ZAINOR FAZRIN BINTI ZAINEN**  
**NO IC : 870219146012**  
**ALAMAT : 50, JALAN MAHKOTA KAMPAR 6, TAMAN MAHKOTA 31910 KAMPAR, PERAK**

1. CHEST FREEZER 300L
2. STAINLESS STEEL 3 BURNER HIGH PRESSURE
3. THE BAKER ELECTRIC OVEN DIGITAL
4. CANOPY HEAVY DUTY A&A
5. THE BAKERS MIXER
6. FOLDING TABLE

**ZAINOR Fazrin Zainen menerima bantuan peralatan memasak dan modal perniagaan daripada MAIPk pada majlis di Ipoh, semalam.**  
- UTUSAN/LIYANA RAMLI